



聖宋名賢五百家播芳大全文粹卷九十七

疊幅

與林內翰小簡

毛伯穎

歲律道暮共惟坦明述作潤色皇猷中和之氣宣變
海隅士林攸仰神明勵相台候動止萬福謹具啟承
候下執事

伏以睿聖勃興恢儒復古雲漢昭回之光下飾萬物
天啟賢業所以經緯天地黼黻百代某官以辭章執



一
匠為諸儒宗搗華發藻馳騁六經百氏舉其芳蕤挹
其流潤光贊人文啟誘後學方將闡其儒效承寧康
濟奠枕于京四海清議無不聳望敢冀以時斟酌泰
和保練冲粹早膺典冊垂副其瞻下情無任虔頌

某岷峨陬徼一介腐生材質駑蹇聲華昧昧曾無以
振奮枯槁決注潢汙仰望陽春巨浸之末切觀某官
絕塵希世之蹤高步青冥為斯文軌轍不自揆量砥
行立名以求自託附驥尾而致千里敢飾其固陋不

腆自通於下執事仰惟樂育英才之度有以幸教之
某棲遲岷蜀之蹟卑冗望神覩觀如在霄漢固未嘗
得儆戒衣冠贊其姓名通謁於大君子之庭以自附
於一時賢雋纓紱之塵垢也頃緣郡吏之職論列五
事不意其文偶經某官之鑒裁凡厥朋舊籐書移報
皆汙辱執事曲加稱獎論薦於公朝誇於稠人廣衆
中自惟不腆固陋何修而得此韓退之有言身在貧
賤為天下所不知獨見遇於大賢乃為貴耳不圖漂

末小子有此嘉遇榮幸欣荷眇然六尺之軀無以負戴

某政和二年忝冒名第建炎中誤蒙收召選跡文館遭維揚之變垂翅北歸賴清朝樂育之仁三忝郡符粗知奉法循理攻苦食淡恪恭執業年華日侵舊殖荒落豈敢復希英雋之塗輟比蒙某官一賜題品溝中斷木遂有青黃黼黻之望輒修短啟并所業一編專人遠獻黃閣下伏望討論潤色之暇略賜觀采而

還以一字之褒貶庶幾駑蹇之姿尚得振纓頓轡昂首奮臆無自疲於沃若也干冒師匠無任戰慄俟命之至

某備員眉山當民俗剽黠吏道猥釀之地征調煩興日不暇給粗能刻肌刻骨勞心撫字浸書兩考未貽敗曠於朝廷素無葭莩鴻毛之介先容之重而猥蒙齒記再剖符竹諒皆某官慶雲清風灑潤而載響游揚休明之賜有此忝冒非晚拜命即當解紱待次林

壤末由濯冠沐浴趨伏墻仞仰望階符之光僂僂丹
衷豈勝瞻徼

上汪內翰小簡賀冬

冬律屆中天元肇序共惟燕申休暇幽顯贊扶台候
動止萬福其承之于此遠竊雲麻末繇參拜光儀謹
勒手訥申詞記史

承候茵鼎之誠前楮已肅不審比辰台履復奚若緬
惟德宇坦夷智恬交養百順千祥駢集慶闡升辰初

屆氣令正寒更祈惠序精毓粹冲仁膺峻召式慰士
夫之望

某官奧學離倫懿文貫道才雄王佐名擅儒宗固宜
進任鈞衡以攄經綸之遠業暫居外郡深鬱輿情當
陽剛初長之辰正君子道亨之際仁聞召躋近輔以
茂著于忠勳下情祈向深切

星回昴陸化日肇舒共惟碩德對時誕膺殊祉某以
拘縻吏役不獲躬造賓閱輒修手續以代慶儀卑悰

無任祝頌之至

其才術疎愚徒勞偏郡遠荷台庇以追謹訶恨未能
趨侍談塵以釋鄙吝惟山仰之心與日俱積比嘗遣
介馳貢柔訥已塵玷典書詹跂門墻魂爽飛越

與刑侍小簡

賀新除

熊子復

春色融和物華韶麗共惟榮躋從橐密拱宸旒台候
動止萬福某猥屬奔馳猶稽瞻望將叙勤拳之意輒
修狂簡之辭仰干典曹伏幸台察

祇詞燕居已遵彝式仰幾珍食敢致申言恭惟登侍
於邃嚴對此順迎於冲粹春陽駘蕩神物護持願加
葆練之宜庸副薦紳之望

伏審妙簡宸廷榮躋禁路優從臣之嘉頌審治古之
象刑共惟驩慶某竦聽傳郵虔修賀贄仰窺賢蘊固
知道之將行退激愚衷乃至喜而不寐依歸第劇頌
歎奚殫

恭以判部侍郎碩德鎮時懿文華國彌縫省闥已綽

著於顯庸獻納從塗果特膺於妙選當陟政塗之峻
益觀賢業之亨由階而升可拱以俟

夙仰英符逖依巨庇比纔抵於遠部已贊謝緘茲竊
審於新除敢裁慶牘屬方行於原隰阻親拜於門墻
搖筆怔忡伏楮惶懼仰祈洪度俯亮危衷

某拙元取材鈍不及事謬玷光華之遣未殫毫髮之
勤惟仰藉於帡幪庶少遲於沙汰誓當圖報詎敢弭
忘

台閣僊序諒有休祥海部鄙司豈無驅委齋心敬祝
綿力願宣

上李侍郎小簡

元冥司令氣候薄寒共惟燕處超然天人交相台候
動止萬福某承乏郡庠遠竊蒙庇末由瞻望履約謹
具手訥申詞記府

邇辰未審台履復何如欽想道襟冲曠德宇坦夷百
靈潛衛慶祉駢臻朔律戒嚴漸覺凝凜更斬妙毓粹

和前膺密旨以慰士大夫之望

某官學貫九流智周萬物英姿碩德拔萃離倫實間世之巨賢中興之良佐故能夙持從橐屢撫名藩荐著遠猷暫茲退寓遐邦深鬱輿論伫聞榮還禁近進陟鈞樞盡發淵謨以康福天下播紳士庶莫不延頸以俟

孤賤寒生仰服重望為年久矣恨以未能進掃舍人之門惟執鞭晞驥之心夙暮有加竭來黷舍密邇台

光益聞德誼之閱深愈覺志意激昂鄙吝潛去而况乎親炙者乎瞻企墻仞神爽飛越

與胡侍郎小簡

中秋氣候明爽伏惟論思之暇參侍清光神明輔相台候動止萬福某待次鄉闕方遠屏著仰冀上為宗社保攝嚴重謹具啟起居

某申問饗寢敬具右楮不審比辰台用何以仰惟貳理司刑周旋禁掖福履蕃衍時序向寒更乞保御和

粹以副紳綏之係

共惟某官以忠孝結主知以文章壯國體碩德偉望
浩然歸重而回翔憲部閱日滋久輿議謂何倚需登
庸攄發素學為蒼生帡幪中外攸矚非特門生之私
頌也

某坎壈之資行能无取而又與閣下素昧平生伏蒙
特達之知與賜收錄寵加論薦願駕下何以仰承眷
遇自非大賢君子以延譽晚進為心安得不遺葑菲

下躰耶恩等丘山未知補報毫楮叙謝莫究萬一
某頃嘗求見而典謁者以謝客為阻既而南歸復造
台屏又承旌旆入學士院俱曾拜漫滅之刺某既出
門下自合日伏材館伺致謝禮竟爾不果罪涉簡慢
豈容輕貸尚恃寬仁寘諸度外伏楮省循戰汗之極
某蹤踪踈遠加之拙宦不能追時好以取世資甘心
州縣盖有年矣侍從間非乏朋舊昨抵行闕間辱與
進者而白眼相視無戀戀故人意斯皆自取棄外復

何怨尤豈期遭值洪儒護短藏疾創相推借實出望
外雖幽谷蒙暄未足比擬此心耿耿御德無改

某得邑僻佐闕期尚遠居閑處獨因得尋繹舊學恐
誤知人之明何時俯伏墀祀叨預占侍朔風引首悵
惘如失

上王侍郎小簡

春事過半寒色尚力共惟銓總之暇神所相勞台候
萬福某竊祿祠館杜門索居未繇趨伏屏下謹具狀

參候

某蒙恩便私遂遠門墻朔風馳情豈勝犬馬之戀即
日不審台用何似願言調護倚頤柄除以副中外傾
屬之切

某僻居如坐井諸公遷擢漫不省知比至見報狀竊
承寵陞法從進贊銓曹某久被眷知屬以阻遠亡緣
從賀屨之末贊喜門下區區但切燕雀之抃

某承乏都司蒙視遇為最厚於其得請又飲餞之以

寵其行而衰懶不即寓狀叙致左右不審台慈能闕
畧否不然何以逃責某還家累月遠賴大庇幸四境
亡虞時得以扁舟芒屨放浪湖山萬想滅矣獨於盛
德未能忘情

上黃侍郎小簡

比者伏審光奉制書峻躋嚴要光采儒林增華法從
播紳歆仰爲之嘆頌矧叨眷舊燕賀雀躍之情當復
如何切幸加亮

仰惟侍郎曩居諫垣議論切直孰不傾望風采比自
侯藩入居禁林中外輿情方以鼎飪期於左右今茲
擢寘邇列實柄用之漸也倚需進拜以安公議
某比貢起居之問伏計塵徹聽司時以未知除命尚
循舊稱繼聆寵遷近班追訟不及愧汗浹膚尚恃台
慈貸此情實

上楊戶部小簡

毛伯穎

初秋暑雨蒸潤共惟明光扈從日侍威顏朝夕論思

仁言溥利逮於海宇神理聽勞台候動止萬福謹具
啟承記室

比覩報狀共審某官釋天府浩穰總地官調制寵名
登進僉論允諧幸甚幸甚伏以時方艱難兵所供億
修六府而和三事出千品而具萬方儻非傑才孰稱
此舉願因長財之效遂躋論道之榮某素荷知憐道
路夔阻不敢具牋啟申賀不勝彈冠附驥之誠
某自四月以來累致不腆竿牘想繼呈徹文几哀悰

落莫墊蹟薄領無可言者素恃知愛惟日夜祠禱願
執事早輔大政登進群材則雞壘承苓終在藥籠之
末耳

與程侍講小簡

馮當可

台座至天彭已數日不審為况何如干將莫邪之器
有百鍊之精故其利無前閣下方以文章事業受知
君相而忽逢短毀此正古人之所常然者造物木必
不以此櫻拂成就而大振耀之也天下縉紳士大夫

孰不翹首傾心以望側席之招如某倘未死滅尚冀
得朋友之力湔洗罪垢其所覬願百倍於儔輩也窮
通之際古人所難處漢獨一賈誼聞道一出長沙悲
憂無聊夫內有九鼎之重在外者不啻一羽伏惟深
入聖賢閭奧恬然於中人莫得窺其涯際異日富貴
鼎來徐起而受之如所固有區區有望於台座也

久去誨色近一見獲侍教者三月嘻笑飲食無非訓
迪澆濯既已自深矣以遂得見隱居賦什粲然盈編

掃去浮雲淡月之餘習而直以大雅中正為音其諷
刺歸美於修身行己補於世教者甚多所謂太羹元
酒有典有則薄滋味不必他求矣今世人以佛家利
人接物為功然窒寂無相非定慧所不能了如新篇
理道坦然孩提之童亦以開悟儻遂交口教授其為
防閑閑範力不勞而功自過之前日卒卒不能具錄
敢望特為寄惠一篇庶以為坐銘多荷

與都承小簡

睽闊兩更歲籥區區馳情不少忘也暑氣正炎共惟
神相賢業台候萬福某哀晚諸念泊然掃迹窮僻賴
茲粗安亡足勤執事之念南望末由叩謁謹寓記起
居

去秋上狀之後復以傳播洵洵挈家島嶼經時不聞
人足音雖念公甚勤亡從嗣問為愧何量近歸故里
方欲稍定求便具記俾來致所惠教竟為左右所先
伏讀慙感無以為喻仍審還自仙里諸况甚休尤慰

區區都司淹留亦既踰時諒朝夕必還持橐之除成
德相見不疎否想亦非久于棘寺者相距不遠未有
承款之幸臨帟益深嚮仰自餘保練亟膺寵除以副
中外之望

香茶辱貺精好皆今歲所未有物意兩重拜賜感悚
暑月第愧未有以報爾

與張大資小簡

孫仲益

某淪棄泥塗已絕意雲霓不謂野次有接待之款執

事存錄故交不以位貌為間置之客右至今踧踏不
遑也

某辭去便趨荆谿路與壽朋館於橫山久乃移舟入
善權故人一笑之適凡十日而後別也伏念大資倦
飛之餘行復冲天矣恐未得專此閑也

伏蒙存省馳賜翰墨共承嘉惠三復感嘆某方圖掃
門之役猶懼以疎慢督過豈敢食言朝夕負荆門下
謝不敏

重陽令節追歡筋力非復故時伏蒙遣騎分送名酒
洗盞開嘗為之首一昂也糟薑亦已拜賜匆匆莫喻
欣感萬懷

上王給事小簡

某熟於先達之聲猷為日滋久雲泥執邈早幸願見
此心邈依無以借喻何當詹近杖履一洗牢吝引脰
台屏神徃形留

仰惟某官以懿文奧學亟踐詞科揚歷顯途咫尺黃

閣尚稽大拜公論謂何竊揆制麻可立以俟霈然霖
雨一蘇萬物門生故吏端有望於沾丐也聞之輿誦
非敢為佞

某仕無他長名聞不白于士夫執孤援寡正虞罪斥
豈圖過聽曲賜薦揚雖至公特達不間疎外其如感
忤胡以為辭面謝無期伏紙但深注仰

上湯司諫小簡

熊子復

露凝曉爽風滌午煩恭惟天啟忠嘉神依諒直台候

擁福時曼某猥縻守紱阻造賓閱猥修狂斐之辭虔
賀燕申之問

祇叙寒燠厥有定彛敬候夙宵是為申款伏想揖曼
空之爽氣揚諫路之直聲神默護持人傾頌禱宜擁
多祺之茂更膺新渥之華

伏自拜違星鳳之宇屢閱歲時審覲雲龍之庭薦馳
書問尚遲趨於墻仞第遙想於階符聲則成文言豈
盡意

恭以司諫以雅健之文淹貫之學而掇異科以勁正
之德傑特之才而結殊眷自旋歸於井絡遂契合於
辰居記事左垣代言西掖果踐伏蒲之列已階挈橐
之除將薦拜於綸音遂預聞於機政用彰祖烈允穆
師虞

伏審光膺命冊易踐諫垣廟筭夙成尚戒幾微之失
廷爭特立是資獻納之良除日初傳輿情相慶綴簪
紳之武莫致賀辭剝簡牘之文第將誠意

雲蔭高閔星華大眷茂對清涼之序薦迎穰簡之祥

上勾龍舍人小簡

寒氣日嚴伏惟揮翰紫微默膺神相台候動止萬福

某屬拘賤職參觀末辰謹具啟申詞典籤

某候問興寢謹具副封不審比辰台用何似仰惟日
侍清光密陪國論天氣順逆戩穀茨茂冬序向深益
御冲粹以需柄用卑情無任虔扣

共惟舍人侍講資望兼隆名實素著天下以為宜登

法從久矣迺者伏蒙越由柱史進直西垣優恩所宜
羣聽皆聳諒惟潤色皇猷丹青元化其功烈豈淺淺
哉惟祈蚤步台極均福蒼生俾遲暮者獲覩盛際不
勝至願

拜遠台光浸歷歲時雲泥執異既无緣可親罄效而
起居之間亦缺然不嗣罪涉簡慢夫復何言每念疇
昔獲親教誨復不能自絕輒貢尺書以代負荆之請
儻蒙曠度寔諸禮外尤為厚幸

伏承某官以燕許大手筆為明主所知豈勝欣沃之
情而川陸修阻思欲擁篲門墻有不可得若瞻景仰
第勝結約

與劉侍郎小簡

孫仲益

薦領手誨喜聞動止屬相去國謂公便還朝廷而曲
突徙薪之功每在焦頭爛額之後何也然公豈久外
者當拱而俟之耳

公辭郡甚善龔遂治渤海奏言陛下無令丞相御史

拘臣以文法宣帝許之今日從臣守凋郡必度外有所為而待歲月方可冀尺寸之功也若一人守之數十人伺之搖手舉足便喉爨為崇固不若明哲保身之愈也

與朱侍郎小簡

恭惟西清荷橐朝夕論思忠言美利陰被海宇神祇鑒勞台候動祉萬福謹具手啟承起居伏以休興中興烜赫盛德而執事以道學辭章世其

家聲風華譽望冠映朝著海內清議日竚延登燮理之命更冀以時保練斟酌冲和惠綏勞寵

備貞士鄉浸書兩考無一最一狀可稱塞猥蒙朝廷記錄再畀符竹吹噓借重秋毫以上盡出友念已于傳遞中及使人再致竿牘披露恐未徹省覽敢申言之

儻被臨印命即當解紱休偃林藪以待次也然鄙忝固陋心地蕪穢舊殖都落無緣摠衣趨隅一奉名理

之誨臨命豈勝瞻戀

與舍人小簡

韓子蒼

某伏違歲久末路流落挈挈過日故於親知書問例廢不講猶憶初到臨川草堂僧迴曾持一幅紙道鄙意想登几按也自此多病轉益藏縮了不見有人往泉南者既不嗣音惟勤瞻仰忽辱手記豈獨把玩欣慰且將陪杖履於七閩之山臨紙喜笑謹具報萬分某寓撫今四年矣地當要衝無事即多過客每日劫

劫應接不辨有事即軍馬上下不絕惴惴於此未嘗一夕得安眠也近來頗欲小葺茆茨與世隔閤庶幾餘年遠離憂怖然畢竟墮渺茫又欲去之他邦老病廢棄舉世不要正爾躊躇豈知有以尺書數千里外辱見招乎發書驚嘆比古大丈夫事尋常聞之簡策不謂親見之末俗中也窮窘漸須打疊加以熱甚只候秋風緊鞞草鞋已託鵬舉使君營一居處得寬潔高爽乃稱遠客耳雖未叅晤預想聲顏已深欣喜

蒙諭所歷道路具悉私心久欲遊閩常日問人胷中
已自有一卷行程敢不遵依竊知草菴得妙喜師開
山不喜妙喜之得此菴喜此菴之得妙喜也然此道
人孤高絕俗與世寡合此正是其所長以故惡嫉之
者衆惟曠懷偉度乃能期之物外若得安居使老園
悟之風焜燿泉南實叢林盛事也

與錢右司小簡

中春尚寒共惟台候動止萬福某藉遠苾幸四郊帖

然得安田里唯是隔閤未有承教之緣溯風詹悵不
勝拳拳

某都司方幸親依蒙恩便私遂有相遠之嘆雖時見
令弟得問起居狀而老懶竿牘竟為左右所先開讀
感悚亡以為喻別後為况何如高才碩學時論屬望
久矣諒惟遷擢可拱以俟惟幾調護興居以副輿望
某居鄉兀然無他念惟族人與親戚故舊時設酒相
娛樂間從道人釋子為清游閑放有餘獨與左右參

辰此其恨也

與張侍郎小簡

張安國

季秋之月共惟天相耆德台候動止萬福某謹上問
侍郎自布衣以道德文章師表天下又卓然以公輔
之望歸先生者餘三十年矣大而不容身屢挫而道
益伸今雖里閭燕居朝野善頌恃公以為主盟敢乞
精護寢興垂副蘄鄉

某無所知識皎然此心願以身託門下庶幾不為小
人之歸惟古有弟子所以承師之義未嘗以書傳也
今一再拜教溢於牋翰碩皆非某所宜得于先生者
蓋未嘗承顏接辭則宜先生之不知某也先生儻有
收拾之意繼今以往請受命

上葉侍御小簡

某屬者輒以書牘申布記室伏蒙台慈寵賜答翰撫
存深厚仰佩眷憐豈勝欣荷某茲者蒙恩起之祠祿
畀以符竹伏念某一介冗散憂患頻仍志慮凋喪齒

髮耗落豈宜叨冒郡寄惟侍御平日矜憐獎與成就
之賜感激恐懼交集於中謹當鞭策疲駑夙夜黽勉
上副朝廷惠養元元輯和封疆之意伏惟矜察

伏審光膺明詔進長霜臺風采益尊紀綱日振惟侍
御稟剛方之操而行正大之言當天子開衆正之門
而膺雄劇之任君臣合契千載一時公道顯行國勢
增重天下幸甚某出入門墻久蒙知遇欣聞盛事為
天下賀獨以私門多故夏中奔走中暍得疾危殆以

是脩敬後時不敏之愆無以自文尚恃大雅遠度有
以寬貸某下情併深皇恐

上中丞小簡

春氣漸暄伏惟肅正臺綱神人交輔台候動祉萬福
某遠託雲庇未諧參侍謹具手啟仰承饗寢

候問興居已布右幅不審比辰台用何似伏乞保御
粹和節調神觀以綏多祉下情至扣

廼者竊披邸報伏承光被綸言峻遷臺長朝家得賢

公議胥協共惟歡慶某官守拘攣無由俯伏台祀稱
慶引企恩闕第深頌詠某仰惟憲臺實百僚紀綱地
雄峻莫擬自非剛明中正不畏強禦孰能副此春遇
恭想垂紳正笏勁氣危言大愜聖心並期進秉鈞軸
用究格天之業

歲前人還伏蒙台誨寵答祇讀再四感服謙光無以
為喻願弊帚遺簪人所弗取迺辱記憐未忍終棄惟
當鏤諸肺腑永矢勿諉區區叙謝言不能究

迺者天意悔禍遠人草心前日河南故地悉歸版圖
恩沛一施四海洒然相慶以謂我宋中興恢復大業
在此時矣共惟中丞雍容進對所以仰裨國論當載
諸簡冊焜耀今古上方虛竝至言願益罄忠嘉以永
終譽

上辛侍御小簡

春半尚寒恭惟台候動止萬福某遠藉比賴幸四郊
恬然得以偷安田里惟是隔闕未有承顏接辭之幸

朔風膽悵不勝依依

某備員省闈方幸親炙蒙恩便私自此遂遠門墻南望瞻依但切犬馬之戀即日不審台候何似共惟神右忠勤益介景福春候深矣寒暄殊未節敢蘄妙齎和俛副主上眷倚亟躋中興天下幸甚

某居鄉數月時時聞佛出世獨年兄尚徘徊烏府搢紳之論甚鬱也切以盛德之士主上虛已擢之言路仰惟聖意豈徒然哉蓋將自此尊用之也中外喁喁

日夕拱竢

某乍歸一番應接之擾故於記室之間為不敏今者寓記又恃末契不敢作圓緘外啟敢幸恕察

上張侍郎小簡

毛伯穎

歲律道盡涸陰洩寒恭惟明光近密崇論竝議朝夕獻納激昂萬乘休被四海神祇聽勞台候起居萬福謹具手啟承下執事

恭以某官道學詞章才猷智略隱然為搢紳領袖更

踐履歷所至治辦太阿龍泉游又恢恢釐席眷思日
奉清閑之燕忠嘉啟汰便當參翊政路敢冀以道葆
練斟酌粹和順受多祉以慰僉論

伏白石渠拜違雖嘗數致問牘亦蒙裁報辭旨渥密
盱衡推轂之意寒素榮幸但恨縻於麾符日恪俗吏
之繩墨無緣彈振冠裾以奉使令於前稍希螟蠹之
化凝僚墻仞迺情豈勝瞻結

恭惟某官祇膺溫詔還侍禁塗聲華章章聳動朝野
某辱在眇眇之末獨深賀厦私情輒具短啟少摠誦
詠德美之萬一千冒省覽伏深聳仄

某備貞眉山庸庸碌碌無一最一狀可紀蒙朝廷收
齒再昇臨印符竹人微地寒素無容援何以得此諒
皆某官吹噓借重之有素致此叨冒迺情銜荷筆語
難既

久蒙敦獎樂育服大匠之規矩然念棲遲群吏日困
簿領朱墨書生事無以自見每懷羞慙恐負疇昔知

遇輒繕錄近文一編專人馳獻以幸指瑕投類之賜
上嚴司業小簡

某申詞菲誠恪寘公式即此秋深氣冷伏惟誨育多
暇天人參介台候起居萬福某承乏支郡遠竊蒙庇
尚阻趨覲謹勒手續塵玷記史
邇辰素商浸晚天高氣清未審台履奚似欽惟設教
上庠英髦誠服休祥之至默有相扶更祈妙護鼎茵
別膺顯拜式慰傾禱之勤

某官傑才拔萃奧學離倫科名德望皆為當世第一
固宜亟登翰苑平步岩廊以茂攄於素蘊暫總儒宮
殊鬱公議

竊惟朝廷偃草脩文崇用儒雅其於兩學師長之任
遴簡尤精雖以全才碩德論之不過假途然宸衷眷
注之隆亦可見矣仁聞揭甌晉擢峻除樞衡以均福
於寰海某素蒙知炤尤切願言

頃年備貢仙府參畫帥幕幸嘗瞻際風度慰懌无窮

睽逝英規五更歲籥飄蓬遠官久缺修貢柔函惟傾
跂門墻夙宵罔替區區依戀伏楮彌深
迂拙之資分符遐徼仰叨河潤之深黽勉綏懷已書
一考尚慮踈愚有所未逮更賴雲庥廣被俾追譴訶
不勝至幸仰恃台念敢布腹心

上陳司業小簡

素商告晚萬寶順成恭惟立道優閑神靈交贊台候
燕興萬福某遠竊雲蔭末由瞻拜墻仞謹具手訥申

塵典記

迩辰不審台履復何如緬惟設科樂育猷訓漸漬戩
穀之繁顯幽咸相金風蕭瑟氣序向寒敢祈上軀春
隆妙毓神觀別膺晉拜下慰拳拳之頌

某官嶽鎮儲靈奎躔鍾粹應丰千之休運擢冠巍科
蓬室道山備彰該博虎闈槐市暫屈師宗茂實英聲
騰播內外某雖不才得與芹泮青衿共蒙教育實不
勝抃蹈之至

竊惟中興在運主上登崇俊傑以熙帝載急賢之心
惟恐不及矧如鴻儒碩量超邁時輩固當待以不次
之任雖作成多士有賴高明而士論輿評殊未厭也
仁聞進登槐鼎康濟天下以究淵衷卑悰祈向尤倍
夷等

忻服重望為年久矣蹤跡萍梗莫獲進瞻英矩徒勤
山仰迺者誤被宸恩俾尸校舍遂獲託質宗範尤增
欽詠雖祇服官箴末由親炙熒席而向風慕德知所
取法實不異於面承啟迪也瞻企崇墉恨無羽翮

某性質庸鈍學術荒疎塵竊末第奔馳薄官俗吏徒
勞漸忘故業今幸隸職庠序得以溫尋故習以率勵
於韋布實出巨庇更望台光俯矚俾得効於微能以
攀附於鱗翼之末不勝萬幸

某沉冗下僚未獲趨拜履綦豈宜不量薄分輕奉等
牘以浼聽熒蓋恃至仁寬裕不弃孱微兼區區悃悞
舍此無以自見是以忘其狂斐敢尔冒瀆下情不勝

戰慄

某申覆台閱寶眷恭惟中表咸擁殊休

某上覆都梁恐有駟策幸賜台旨當期盡瘁以稱器使

與錢直閣小簡

已秋暑氣尤酷恭惟即日台候動止萬福比有自邑中來者訪動靜聞大旆善達里門咫尺請見可勝欣慰然畏暑須稍涼也謹勒參候

前此上狀正愧率畧人回蒙賜報甚寵三復謙眷無以為喻比辰不審台用何如游官之久奉邃清之直懷郡紱以歸見親戚故舊諒深慰愜尚此阻闊朔風馳詠不已

與監學小簡

遠違風度數年矣迺心景仰與日俱深春寒侍次履裕起居康福某厄祿祠宮諸况粗適未卜瞻晤願言將重以俟殊渥

向在濠梁忽得脾疾遂乞祠東歸今所苦已幸安愈
平居多不出故不知車騎東歸遂稽上狀以候動止
使至忽辱真翰欽佩眷契閱復感藏何時展奉以布
區區向風增慕

伏審榮授比都監學豈勝欣抃才者得此不失故步
亦足以養高也第恐朝廷別有除擢入資國論以福
天下不幸

與判部小簡

暑雨蒸潤恭惟握蘭華省地任清要風華譽望藹然
縉紳神祇勵相台候萬福某備員凋郡哀拙勉強於
軍興多事之時絕長補短粗逃悔尚餘展晤更冀保
練冲粹即膺持橐之寵

睽別多年每以臭味之感猥蒙簡記東南人便數領
翰墨推襟送抱白頭如新幸甚頓見邸目知南宮舍
人之除緬想以道學緒餘摛華發藻百音皆奏隱然
與三代同風掖垣館殿指期遷擢區區夙素不勝彈

冠之喜

郡卒回奉被春初所賜教染兼惠貺團茶拜受慙感
銘佩無忘帥坐素昧平生自到成都頗蒙清顧近以
陞陟論薦乞炤借重知有所自幸甚因通家訊為道
區區奮激之意千萬裁照

聖宋名賢五百家播芳大全文粹卷九十七終

聖宋名賢五百家播芳大全文粹卷九十八

疊幅 宮祠

上丞相宮使小簡

某請問起居狀大畧如右即日風露益冷共惟琳館
宴閑神右勲德鈞候萬福某孤蹤尚茲匏繫未能引
去從杖履為超世絕俗之游瞻愬高風下情不勝依
戀之切謹勒參候

一介之賤黃緣職事方幸得侍門墻遠遠茫南望

唯劇犬馬之戀即日不審鈞用何似冬律肇寒願言對時致和宣滯茂經壽祉副天下拳拳之心

竊以功成名遂天之道近時王公大人非苟知之亦允蹈之者唯相公耳某與士大夫既誦詠高標遠躅有不可跂及之嘆念方持顛扶危有能任重如相公者又為國家惜其去也

前日方相公抗章謝客之際日至舟次既不容請間尚庶幾追路一望台光而鈞旨亟行風檣頃刻已邈

然矣徘徊江干瞻悵結戀有兒女之感即日跋履伏計已遂寧居盛德所至固自有神明扶持若退之所謂務為崇深輒敢為左右之獻伏惟留意幸甚某至愚極陋无取於世故冬相公復以舊物收錄數月之間樞屬宰掾皆平生夢想不敢到者相繼叨冒盡出大鈞之播未知稱塞而相公有請去矣引領思第祇益戀慕某惛然於此欲請則未敢欲留則无依去留幾如觸藩羊矣相公尚軫念否耶

上樞密宮使小簡

暮春之月景氣清淑共惟勳大德隆高蹈物表百神
森衛台候動止萬福某謹具竿牘仰候記史

申問起居已具右牋暑律寢近敢乞上為宗社彌膺
粹和冲盛靈氣示服寵休區區頌禱實與有識同之
奔走範圍之內頻有歲思欲整冠抗容望天人之儀
表叢霄杳邈厥路无由惟知誦當世之偉文師厚俗
之懿行踴躍鈞播期不負於作成之化至若神馳夢

想拳拳於造化之門則又抱積結而已尚稽瞻拜矯
首凝睇惟深景慕之懷

恭以某官以直道事聖主以厚德浸黎元自初登朝
已傑然有公輔之望睿眷愈隆時論允屬年除歲迂
以登近弼人咸謂宜從容廊廟致吾君於堯舜之上
使斯民鼓腹擊壤以樂太平者非公其誰倚正鼎軸
之拜為天下賀

仰惟大雅君子明哲自保旂常竹帛既了能事復乃

辭榮高蹈毓和願志於冲澹之鄉川吟野咏以樂天
真當有安期赤松輩相與談笑於塵埃外也第恐冕
旒注想復為蒼生起太傅於東山耳後天下之樂而
樂尚須貶此以俟他日也冒言及此實用慙悖

某一介逃賤久困末路惟念家世以儒為業不敢失
其故習比者誤聽太常之奏猥玷銓籍實望不及此
方茲從宦之初迺獲密賴洪河之潤幸可言耶竊念
某荒唐之學固自无取矧於吏事尤切茫然教載之

職大儒所任况家兄昔為尚書郎又出榜下儻不以
某之不肖立之庭而薰沐之俾得揚眉吐日激昂青
雲則平生所志庶幾少伸於今日儻不屑教誨是亦
教誨之而已某敢不敬承下風

近者交代報以及瓜促使首塗行即趨伏軒墀之下
欣抃來集預不勝情謹脩啟牘以姓名自通於均覽
併乞恕其僭率

鈞閱寶眷恭被鼎來之祉

公路恐有委令拱聽要束

上樞密宮使小簡

夏序清和恭惟耆英舊德燕頤琳館言論風旨海宇
瞻頌神明鑒勞鈞候動止萬福某邈在陬徼元由款
墻仞謹具承候下執事某勉強於此且一年半矣每
有便介輒致書牘湖山眇邈沉浮未知但增詹鄉耳
目近人還奉被去年五月二十一日誨墨置之坐隅
一日三復仰佩盛德不遺忘簪履之意豈勝感激也

伏以某官道德文學冠映海內勲闕巍然朝野注望
然深執謙冲久就間曠清義嗟歎豈某窮薄蹇頓攀
鱗附翼自有時耶更冀以時保練惠綏冲氣即膺典
冊歸穆天緯垂副頌願

上大觀文宮使小簡

王練之

問訊起居狀粗如常禮已春寒色尚凜即日供惟琳
宮邃清神護賢業鈞候萬福某頽齡暮景分宜退縮
尚叨祠館之祿盡出鴻造唯是邈然未有陪侍鳩杖

之緣引領高風有弋人何慕之嘆謹勒參候

故冬寓咫尺之書必浼聞聽繼以得請而歸跼伏田
野亡從訪便貢記室問區區之心祇益景慕仰蘄妙
理生經茂綏福履以篤鈞閱之慶以副海宇之望

切以艱危以來主上論相數人其間藉英雄之姿奮
經濟之業整頓乾坤再造王室有如相公者其誰哉
今者均逸上至士大夫下至軍民莫不喁喁泣衮衣
之歸益著士儒之效願戒舍人束裝以待輿議如此

敢私布之

恭惟相公弭節天台居處飲食雖南北異宜仰惟相
公簡淡之素隨所寓而安之如在維揚時也門墻下
客唯日聽鋒車之召耳

某一生艱蹇晚節末路獨相公相遇為至厚此恩此
意某蓋銘之心矣自相公去國既失所依而孤迹之
危如燕巢幕亟於廟堂雖幸全至而歸退念孤相公
頻年獎拔成就之意此其負負為亡窮也然亦安知

造物者不為異時之地耳

上樞密宮使小簡

毛伯穎

春暉抄容共惟燕衍琳宮神和道勝老成魁壘之舊
海內宗師神所鑒勞鈞候動止萬福謹具啟承候下
執事

某官以道德文章為世儒宗遭時多艱請纓徇國威
謀知畧折衝萬福荐膺眷注入秉樞機正笏垂紳深
謀遠慮天下誦歎更冀以時葆練冲粹再膺贊列光

輔王室以究格天之業

伏以國步未夷士氣縮慙玩歲愒日媿合苟容某官
以英傑偉特之姿浩然直養之氣言論風旨頻伸顧
眄有識聳動皇天眷佑宗社休運動輿無競維人聽
望攸屬豈宜久留閔勞均逸之地行聞備物典冊袞
繡來歸當軸處中以厭清議區區深切瞻嚮

某一介孱瑣人微位下无所短長於執事初之葭莩
鴻毛之重徒以向風慕義切於表素頃者輒以不腆

之記率爾自通於執訊實恃其官蘊氣生風傑出流俗相士以天機而遺其皮毛故敢進其區區果蒙不賜鄙夷垂報教翰所以獎鑒敦飭之至厚敢不鞠躬佩服勤勤勉勵以符一顧之重幸甚

某莫儔榜塵忝上舍及第沉淪州縣垂三十年矣中間備真揚州文館三忝郡寄而才力駑短觸事逗暗又不能小廉曲謹恣睢抵擻以投合流俗之好惡棲遲凋郡動遭讒謗頻致怨憎顧影跼蹐惴惴度日今

冬滿更方駕柴車歸屏田畝惟望某官登庸百發敷贊皇猷大鈞所播品彙皆遂則此生寸進終累陶冶耳

某承先人緒業摩研編削苦心勞意於翰墨畦迕初无所造某官以儒林宗匠為世模楷筆端膚寸流潤末學而某斐然以其憔悴管蒯之賤進於眎聽乃蒙褒稱獎予形於書牘切用矜奮不啻見過於大賢也韓文公有言身在貧賤不為天下所知獨見過於大

賢乃可貴耳不圖小子有此幸會謹以短啟少叙欣
戴之素伏乞財察

與待制宮使小簡

夏序清和恭惟分秩祠庭棲冲業簡播紳清言喁喁
傾屬神祇相勞台候動止萬福末由侍杖屨更冀以
道珍練即膺寵數光裕吾道

自到眉陽忽已踰歲雖累致問牘然吳蜀萬里江湖
悠緬浮沉未可知也某迂疎不能隨順流俗日困風

波口語无復佳况拱俟更滿歸偃林壑尔某官年兄
尚淹閒曠輿論未愜豈哀蹤蹇步砥礪附託亦自有
時耶臨紙重增悵惘

與侍郎宮使小簡

仲夏毒熱伏惟燕申豐暇神明薦嘉鈞候萬福某竊
食行朝碌碌無補末緣俯伏賓閱謹上狀記室某僭
易皇恐

詞問起居已具右幅溥蒸在候調攝為宜敢乞為道

自重頤神養和以慰天下之所瞻仰
蹭蹬哀蹤素荷推挽戴恩恋德之誠頃刻不忘拜別
崇墉忽已累歲何緣再侍函丈少聆書紳之訓區區
師慕飢渴莫喻

切惟碩儒元老德望藹然朝之羽儀上之躰貌名遂
身退士夫榮之方茲匏繫阻陪巾履企仰高風徒馳
精爽

上觀文宮使小簡

問訊起居狀大畧如右即日秋暑共惟琳館邃清天
人交相鈞候萬福某蒙恩備貲都司末由趨侍引領
南鄉不勝依慕之至謹勒參候

某昨倅維揚偶徒御道出此邦夤緣得以望履繼此
紛擾遂遠門墻即日不審鈞候何似暑氣未艾仰冀
為廟社生靈保合太和前拜冊命以慰普天之望
某向自浙東航海以歸繼請祠館竄伏湖山殆與世
隔无從訪便寓狀故冬竭來行在已聞相公被命將

離長沙正恐道塗差池不敢輒具竿牘占叙區區之私其久荷眷知其心未嘗一日敢忘恩意伏惟鈞慈賜察幸甚

切惟相公以承天事業為時英輔粵從長沙均逸而歸此中外所未喻也仰惟聖意趨鋒車之台濟中興之業行有詔矣獨自鄉曲之私日以跂望

某遲暮不才去冬復塵郎省一毫無補坐待汰斥而誤恩踵至皆自相公平日知獎之賜匏繫於此亡從

伸一言之謝仰懷恩施第劇感激行在或有使令願效犬馬之力儻驅策之尤荷不鄙之德

上胡宣撫小簡

毛伯穎

恭惟高牙大纛作屏殿邦夙夜忠勤神所勵相鈞候動止萬福謹具啟承問下執事

伏以秦隴繹騷岷梁疲弊主上側席憂頽肆命重臣任保釐分陝之寄恭惟某官以道德謀慮冠映簪紳疇咨僉同誕膺典冊天下幸甚一介孱陋辱在下風

豈勝欣詠

某官德望之重峻極於天文律之高黼黻河漢固當
延登衮繡以正鼎足承君之任主上方紹隆聖統恢
復土疆惟是四川叢尔居吳會上流之勢藩垣倚注
宜用一時賢業煩橐鞬鞭弭撫綏黎庶命書始下和
氣穆然四川百域知所順勵敢冀保練冲氣垂副其
瞻之望

川陝僻陋去輦轂下湖山繚絡路踰數千里某官建
旄分閫轅門爰舍冒涉險阻不無少勞神用仰惟股
肱之寄展盡忠力纓冠叱馭館穀次舍之間神明休
勞百祿具宜某蓬藿賤士當獲布武堂下以備掃除
之役下情无任竦企

伏以蜀地遐徼風聲氣習之陋無足比數然以朝廷
德澤涵養之舊庠序衣冠猷畝陪隸粗知一心戮力
出租賦奉期約今者某官以柱石大臣受任一方布
宣德意唯是元元蚩蚩罔不委心展體以聽教條之

下奔走承序敢盡布之伏惟幸察
某曩者備貲渠州磨鈇策鈍粗免瘰曠繼蒙朝廷改
除眉州尋而參政席公俾暫攝幙屬悠悠碌碌無一
最一善俯仰羞愧方求罷居田舍待次茲者何幸當
預門闌卒吏瞻拜光儀不勝夙夜砥礪以幸一顧

與宣撫小簡

恭唯惟幄豐暇神人具宜鈞候動止萬福某仰託節
制之尊未敢司敗無繇侍見伏冀為國以道自重

某官道德文章九牧之人所共尊仰輕裘緩帶暫寬
西顧衮衣繡裳即佗東歸益祈與時御宜調順鼎食
用副天下之望

伏奉鈞翰念其留落疾病之餘恩意甚寵跪坐以讀
殆欲隕涕區區依歸傾向之心尚幸於照
寶眷幾時可至府第下邑有驅役願受令

與吳宣撫小簡

秋序澄穆共惟玉帳靖嚴威加塞外忠謀勇畧為國

長城神明寵綏鈞候動止萬福具啟承候起居
伏以四川百城生靈億萬自中原震擾封豕長蛇日
夕窺覘劬躬極力為之屏翰遂使元元蚩蚩仰事俯
畜得以安其田里保生樂業大功巨德冠映古今區
區孱眇濯冠潔佩敢不惕在下風

某官以精忠勁氣為國虎臣親董六師鷹揚霓逝遂
使凶醜讐慄追奔遠塞保固疆場威望赫然伏冀為
邦家倚注之重念黎元仰感之誠保練冲氣惠綏寵

祿下情瞻誦之至

某竊服縉紳間每聞某官以豐功偉節傑出一代而
能降忠屈軀賓禮寒士嘗願執鞭擁篲於士卒戎行
之末比者何幸獲修容於轅門之下躡履於油幘之
前重蒙謙光盛禮眷待隆渥某委瑣齷齪曷能堪任
但知銘佩至意激昂衰氣庶幾稱塞萬分之一
某自遠錦城忽忽踰月偶以迎迓宣諭幕府事叢鞠
躬奔命日不暇給久不澡飾固陋諄復翰墨以致謝

下執事切恃某官雄心大度不問微賤未貽譴責敢
率尔布之以幸悉察

上宣諭小簡

恭惟宣布多暇神明協相台候動祉萬福某遠託恩
庇末繇參觀伏覲為國以道自重

不審比辰寢餼何如高名盛德九牧所知暫去禁庭
遠持華節思言大布輿論交歡居報有期大用可必
益冀珍璠以副中外之望

蜀非用武之國如孔明之賢其臨中原屢以糧餉不
繼而返今宿重兵餘十年聲執隱然震於強敵將帥
之功固高而民力屈矣某官以文章議論受上異眷
臨遣之旨寔代予行國朝以來持節將命如富彥國
之使河北文寬夫之使河東韓稚圭之使陝西未有
若此之重者當有以大鎮拊之某將與州縣之吏重
拜以賀區區此心伏幸矜察

某為漢嘉踰年愛民戢吏艱勤儉約不敢具言易資

中到官未浹日適雨暘以時麥田甚美米斗至賤獄
市不擾內外無盜竊之虞民情甚安斯有以上寬台
抱憂卹萬一故併論之

與總管小簡

朔律屆中寒凝方盛共惟總戎多暇蓋載薦休台候
興居萬福某備負偏壘遠竊庇輝尚稽瞻對敢祈精
毓天和別膺召擢謹具啟承候

謹時裁詞已列右番即此亞歲屆期陽施陰化伏惟
英豪所履茂集殊休某拘縻郡事趨慶靡遑輒假緘
封以見誠悃其爲傾禱毫楮難殫

恭惟某官智畧邁倫雄才冠世暫總戎於屯戍克精
練於師徒一路人民盡蒙綏鎮既威名之茂著宜眷
倚之彌隆伯聞進位元戎策勲帝室以副輿人之望

與總領小簡

程子山

氣候漸熱仰惟使節在塗雖有神明然妙護茵鼎以
對顯寵則又人士蘄嚮之誠所竊拳拳焉敢以告於

侍史云

仰惟台座英規義槩冠冕多士固宜雍容禁闥翊贊
昌圖而乃斜飛遠引握節西來孰不慨然然六月不
可不息七月當來及今見之矣士為貴用政恐不免
如台座非耶

伏審陞華郎省總計邦財榮寵鼎來德威郵布甚盛
甚休惟台座清修博習聰明疏通凡時之緩急民之
戚休郡邑之虛實其无不察矣而以能為之材據可

為之勢如破竹如決水如轉圜石於千仞之山桑陰
不移環蜀數千里惠利霑洽以之更生豈待祠而祝
哉少儲茂績歸踐禁塗竊拱以俟

負罪脫死歸佐鄉郡已閱一歲之半矣既不敢薄其
官而漫略不省亦不敢出其位而妄求乎竒惟是潔
己救過庶少贖於方來乃今台座將四路之使為二
天之德庇實窮途之大幸也然亦安敢恃而不恐以
累知舊耶惟高明財察

自經憂患焚棄筆硯久矣短牋姑以見其悃誠非敢
言文也尚不鄙略紆匠目幸甚

似聞舟御汴流之臺府某一官有守無由亟從衣冠
之末少脩贊慶之敬或者臨按少城得遂所願不勝
大幸

上陳茶馬小簡

晁子西

麥秋至共惟六轡徐行原隰有光神明並相台候動
祉萬福某敬遣一介以候前軀

途日不審台用何如盛德所臨百靈自當呵禦不祥
伏想當此炎夏山川之氣皆效清涼更乞盡消息之
方不勝至請

天下之俗委靡不振久矣士大夫習於寬簡非君子
剛大之氣其孰能起之某得諸縉紳之論以為今可
望於此者捨節下其誰哉蜀郡聞風已皆有立志某
獨恨所被者狹耳何時曠然盡變天下之俗耶拭目
以俟

推牧之政蓋可以強兵而富國主上舉以屬之節下
其意深矣方此講好修睦正當閑暇之時使茶戶富
實取其饒以助給軍食出徼外之駿以佐卒乘為之
數年恢復之具成矣節下當擅此功天下幸甚
某流落遠方以貧所驅而冒處劇郡欲罷不能重以
積弊之後府庫空虛賦入不及所出之半視事踰月
茫然不知所圖惟當夙夜匪懈而已更望高明有以
誨告之某之願也

上都督小簡

仲春寢和恭惟坐鎮江陞運籌帷幄百神拱衛鈞侯
起居萬福謹具公函仰塵記史

某謹時之禮具裁右楮不審迩辰鈞用何似仰惟盛
德所至神人交贊福祿駢集敢乞上為宗祊倍隆調
護某下情不勝虔禱之至

某比緣軍徼遂獲叅拜款侍約束曲荷恩光不以位
貌為間特加容接眄矚之私有逾疇昔抑亦見夫人

君子之用心待遇門人之不替下情感戴雖刻骨銘
肝未易敷叙

恭審恩自九天總臨諸將職兼兵柄位冠元戎名實
所先華夷同慶某以猥職拘攣無緣再造鈞府以伸
燕雀之誠輒具短啟申賀然辭語蕪類自取瀆尊仰
恃恩慈有以矜恕

恭惟某官以道德辭章標映當世譽望之懿自宜謀
謨天緯勵翼庶工丕昭格天之業暫膺眷注峻陟元
戎方將疇咨分陝之功光踐槐鼎以福寰海

上安撫小簡

仲春謹月共惟玉節所臨列城風聳幽明協贊鈞候
動止萬福某拜手稽首敬裁柔訥申玷典籤

某申訥寒溫之儀不敢不肅迩辰不審鈞用何似恭
惟元勳碩德藩屏王室神相民依福祿繁衍更祈忠
調視履宣節雨暘仰符當口眷注之隆俯徇四海依
歸之望

伏審榮膺帝綽雄殿侯藩詔書甫下於九天和氣已
生於列郡先聲所暨莫不交欣共惟慶慰某屬以賤
職拘縻不獲迎拜道左輒藉毫楮以伸燕賀之恭伏
惟鈞慈俯賜矜察

恭惟某官道全德備海內之所宗師深謀遠識夷夏
之所畏服名齊嵩岱勲耀鼎彝經綸之業宜在左右
今茲歛惠一路而帝心圖舊仁見匪伊孚號鼎頒復
專國柄均福天下蒼生延頸以俟

某踈逖庸微瞻望台躔不啻雲霄之間永言敬慕何
可弭忘迺今幸會鼎來忝與屬吏之末行將躬詣大
府受約束於下執事其為欣抃不能自言瞻望旌戟
神爽飛越

某學不聞道寸長無取繆當邑寄何補公家曠敗之
虞朝夕芒負今幸託庇於二天之下拳拳依嚮實切
此心儻蒙未賜罪逐誓當磨鉛策鈍期效補報之萬
一仰乞鈞察

某不揆狂斐砌成短啟齋沐繕寫塵獻言語蕪類不足道古今而譽盛德聊以見區區之誠耳儻蒙少霽霜威一回電眄幸甚幸甚

上安撫丞相小簡

孟夏謹月共惟偃藩容與神相者德鈞候動止萬福某謹齋沐奏記仰瀆司視伏丐鈞察

謹時申詞右臂已肅迩辰不審鈞用何似敬惟盛德所臨密有扶持景福潛介視履元吉清和在候更乞

上律天時俯遵月令葆練冲粹仰副隆委某卑情無任虔禱

伏審某官消用剛辰肇開藩府吏民交慶規制鼎新共惟驩慶某忝與屬吏固當俯伏鈞墀伸賀伏聽鈞旨遣還賤局聞命奔走即抵下邑謹具手訥敬布燕雀之誠伏乞矜察

共惟某官奧學洞古今浩氣塞天地逢辰致主佐命中興元勳碩德輝映青史燁乎盛哉故雖均逸祠庭

中外系望欽想簡注愈隆暫屈藩宣之寄自瀕而中
復正台司益茂賢業以侈社稷無疆之休天下幸甚
某一介寒微不敢萌願見之心伏承玉節鼎臨迎拜
道左獲脩屬吏之敬夤緣幸會慰喜無窮念自拜遠
鈞墀復經旬浹瞻望旌戟邈在雲漢伏楮凝恋神爽
飛越

某才學踈謬濫司百里歲糜月費亡補縣官雖去替
之期僅止半載朝夕凜凜若何為善後計仰覲二天

覆護未賜譴斥誓當益加勉勵求稱使令訢情瀆尊
死有餘罪伏乞鈞亮

某不避僭躡之罪敬申鈞閱瀛春安問伏惟履茲初
夏內外駢擁自天之祐下邑恐有驅使事件乞鈞旨
行下

上汪帥小簡

庚辛處躔共惟高牙在行神明護相台候動止萬福
某敬遣一介詣節下

比來不省台用何如益昌地接秦壠會當早寒計已
授衣遂御功裘更冀无犯風霜保合太和區區以為
請

節下之治蜀蜀人皆歌舞其賜常願赤舄之留如韋
南康公坐至中書令位冠廷臣其如霖雨之施局於
一方使天下不被其澤度聖上行當召公矣

杖鉞臨此四道盖三年矣計其勤勞論其見効宜歸
秉魁柄乃為稱耳今茲制詔頒下領昭陵之圖書地

近職崇以示光寵盖不欲奪蜀人之廕麻故也某敢
不為蜀人賀

某按刑茲部亦復朞年而司存實近蠻傲向來諸公
居此極岌岌今乃得無事飽食者公來雪山重耳幸
甚幸甚

上安撫小簡

仲夏毒熱伏惟鎮撫豐暇神明薦嘉鈞候萬福某竊
食行朝碌碌無補末緣俯伏賓閱謹上狀記室某僭

易震恐

詞問起居已具右幅溥蒸在候天令不常伏乞特為
宗社妙畱冲和以副九重眷倚之重

曩者參政當朝進退群吏某備數省曹參謀相府實
出鈞化自違節麾三更歲籥時事多艱塊處里閤不
敢時以私書干溷聽覽惟是瞻企門闌不勝駑馬恋
軒之誠

仰惟參政盛德元勳中外具瞻宜在廊廟康濟天下

方面均佚久鬱輿情匪朝伊夕當膺環召正位鈞衡
以快士夫之望

比自祠宮召寘省曹方愧叨冒復被誤恩為屬樞府
皆自平時推獎之賜第慙空疎初無一得之慮贊畫
宥密日以憂懼尚賴鴻庇或逃官謗幸甚

上安撫小簡

共惟燕及列城神明薦祉鈞候動止萬福某賴鴻庇
如昨末由趨侍拳拳門墻不勝燕雀之誠

故冬承便寓狀記室竊謂僭率已在譴訶之域寬德
遠量既略閣之復賜誨報所以存獎慰藉甚寵仰佩
謙眷淪浹肌骨即日不審鈞用何如暑氣正酷敢祈
上為廟社對時節宣此膺魁柄以慰普天之望
切惟某官行孔孟之道致臯夔之業器識之遠政事
之妙宜居廟堂共濟中興出殿大邦亦既逾年側聞
公議謂頒詔趣歸侍冕旒而參帷幄蓋旦暮事也某
嘗居隸屬之末尤切悚望

某待罪計都已慙非據而宥密之地平生夢想所不
敢到遽以叨冒遲暮之才寔出參政從來鈞陶之賜
獨某隔閣亡從占叙感激之私惟誓頂踵圖報萬一
神實臨之非敢妄也

上安撫小簡

暑伏歊熾共惟保釐綏馭說禮樂而敦詩書方面隱
然有金城之重神理相勞戩穀具綏台候動止萬福
謹具手啟承記室

某官翱翔禁橐風華業履冠映簪紳其於論思獻納
見遠識微之明固主上所前席而思當饋而嘆也登
延贊刻歸輔台鼎即在朝夕更乞殫稟太和益疆躰
素行對寵渥下情虔頌

比嘗率爾具竿牘自惟擊轅拊缶悴音曲節浼瀆至
聽且蒙譴斥然某官寬隆盡下獎鑒多士清襟所照
每賜酬酢箱篋几杖之間金石隱鉉警策寒陋一何
榮幸

某一介凡窳備貞部內固未嘗得戒衣冠奉杖屨奔
走使令於前恭惟某官樂育仁心兼收並畜齒牙餘
論激揚寒素初无牖間一面之雅獨取堂下片言盱
衡推轂特形論薦凡材下乘頓增光價敢不勉強哀
拙庶幾於任重致遠無忝題目區區鄙悰不勝銘藏
荷戴之至

某猥蒙知遇置在藥籠之末共惟某官以儒林宗匠
受任方伯風裁高峻蔚為今世龍門而沉淪蹇頓濫

被品目岷峨人士聳然改觀實深榮幸謹具短啟少
道謝悃伏望燕間之隙一賜觀采

上安撫小簡

暑雨蒸潤恭惟耆英鉅德為國藩垣保釐督護之功
百城順賴神用顯相台候動止萬福謹具啟承候下
執事

某官以簪紳素望冠映甘泉侍從之榮嘉謀嘉猷海
內稱誦方當策勳序爵翊贊鼎槐而當此憂頽岷陬
暫繫鎮撫共惟元戎十乘殿天子之邦億萬黔黎性
命攸仰伏冀保練冲粹精護寢興乘副瞻頌


某官申儆侯度布宣王靈所下教條元非惻怛忠厚
之實立經陳紀禁暴律貪風尚凜然令行禁止休聲
協氣薰顙太和雨暘以時嘉生允茂某屬在部吏得
亶亶怵惕恪恭於繩矩之末頌不幸甚某比者不自
揆度輒以骫骳之文仰干繩削某官以儒林執匠運
斤成風膏馥之餘不我遐棄特指書教褒稱獎與許

以竒古之目自非顏淵附驥尾而行益顯感嘆奮激
不勝下情昔韓文公有言愈之所以志於古者不惟
其辭之好好其道焉爾短章悴句摩研編削之陋既
辱稱予敢不益思溫尋研推淬濯砥礪庶幾乎言之
必可行以無忘崇邁世教之厚德也

特蒙某官垂貺齊酎十壺仰認台眷拜受感悚恭惟
荊州平一之惠建康清醇之德所以飲食教載示其
仁心者厚矣敢不屬饗盛 藏諸肝鬲

某蹉跎蹇步頓跡塵埒備負部下當物衆重夥政煩
賦重之際刻肌刻骨攻苦食淡无所云補每用愧歎
伏遇某官以篤實輝光之德程董郡吏獎鑒風裁蔚
為一世之龍門而念此孤蹤自維揚文館三忝郡寄
粗无瘼曠今當開陞正任資序願與牛溲馬渤雞壘
豕苓為藥籠中一物以階寸進猥蒙矜念許賜收錄
區區不勝彈冠振衣三浴三薰以俟齒牙之論也

聖宋名賢五百家播芳大全文粹卷九十八終



Vertical columns of text, likely bleed-through from the reverse side of the page. The text is arranged in approximately 12 columns, reading from right to left. The characters are small and difficult to decipher due to the image quality and bleed-through.

